

16.01.2014 16:10



ՀՀ փաստաբանների պալատի նախագահ Արա Զոհրաբյանը հունվարի 16-ին որոշումներ է կայացրել մի շարք փաստաբանների երկու տարի ժամկետով մարզային համակարգողներ և մարզերի քաղաքների պատասխանատուներ նշանակելու մասին: ՀՀ Փաստաբանների պալատի նախագահը ղեկավարվելով «Փաստաբանության մասին» Հայաստանի Հանրապետության օրենքի 13-րդ հոդվածի 15-րդ կետի, Հայաստանի Հանրապետության փաստաբանների պալատի (այսուհետ՝ Պալատ) կանոնադրության 17.3-րդ կետի 27-րդ ենթակետի պահանջներով և Պալատի նախագահի 17.12.2013թ. թիվ 70-Լ որոշմամբ հաստատված Մարզերում համակարգում իրականացնելու կարգով (այսուհետ՝ Կարգ)՝ որոշել է.

- 1. ՀՀ Արագածոտնի մարզում Կարգով նախատեսված մարզային համակարգող նշանակել փաստաբան Մնացական Մելիքյանին (արտոնագիր 1490),**
- 2. ՀՀ Տավուշի մարզում Կարգով նախատեսված մարզային համակարգող նշանակել փաստաբան Արտակ Խաչիկյանին (արտոնագիր 779),**
- 3. ՀՀ Վայոց Ձորի մարզում Կարգով նախատեսված մարզային համակարգող նշանակել փաստաբան Էմին Բեգլարյանին (արտոնագիր 1400),**
- 4. ՀՀ Արագածոտնի մարզի Թալին քաղաքում Կարգով նախատեսված պատասխանատու նշանակել փաստաբան Վահրամ Մարտիրոսյանին (արտոնագիր 1487),**
- 5. ՀՀ Արմավիր մարզի Արմավիր քաղաքում Կարգով նախատեսված պատասխանատու նշանակել փաստաբան Նաիրա Պետրոսյանին (արտոնագիր 602),**
- 6. ՀՀ Գեղարքունիքի մարզի Սևան քաղաքում Կարգով նախատեսված պատասխանատու նշանակել փաստաբան Դավիթ Սարգսյանին (արտոնագիր 1087),**
- 7. ՀՀ Կոտայքի մարզի Հրազդան քաղաքում Կարգով նախատեսված պատասխանատու նշանակել փաստաբան Մխիթար Բեգյանին (արտոնագիր 806),**
- 8. ՀՀ Լոռու մարզի Ալավերդի քաղաքում Կարգով նախատեսված պատասխանատու նշանակել փաստաբան Ժորա Վարոսյանին (արտոնագիր 615),**

**9. ՀՀ Լոռու մարզի Ստեփանավան քաղաքում  
Կարգով նախատեսված պատասխանատու  
նշանակել փաստաբան Արմենուհի  
Ջանջուղազյանին (արտոնագիր 765):**

Հայաստանի մյուս մարզերում և քաղաքներում  
համակարգողները և պատասխանատուները  
ընտրվելու են լրացուցիչ:

Նշենք, որ մարզային համակարգում իրականացնելու  
նպատակն է համախմբել Հայաստանի  
Հանրապետության յուրաքանչյուր մարզի կամ  
մարզային քաղաքների տարածքում գործող Պալատի  
անդամ փաստաբաններին, վեր հանել նրանց մոտ  
փաստաբանական գործունեության իրականացման  
ընթացքում առաջացող խնդիրները և ներկայացնել  
Պալատին, ինչպես նաև իրականացնել Պալատի  
առջև դրված նպատակների և խնդիրների՝  
մարզերում իրագործման համար սույն կարգով  
նախատեսված այլ գործողություններ: Մարզային  
համակարգողները գործում են ընտրության (եթե  
մարզում գործող փաստաբանների թիվը  
գերազանցում է տասներկուսը) կամ նշանակման  
սկզբունքով (եթե գործող փաստաբանների թիվը չի  
գերազանցում տասներկուսը): Իսկ  
պատասխանատուները գործում են ընտրության (եթե  
քաղաքում գործող փաստաբանների թիվը  
գերազանցում է յոթը) կամ նշանակման սկզբունքով  
(եթե գործող փաստաբանների թիվը չի գերազանցում  
յոթը):


Հիշեցնենք, որ մարզային համակարգողների և  
մարզերի քաղաքների պատասխանատուների  
նշանակումը առաջարկվում է պալատի նախագահի  
մարզային խնդիրների համակարգման գծով  
տեղակալ Մելանյա Առուստամյանի կողմից՝  
նշանակվողների նախնական համաձայնությամբ: Այն  
իրականացվում է 'ՀՀ Փաստաբանների պալատի  
մարզերում համակարգում իրականացնելու մասին'  
կարգի 2.5 կետի համաձայն:

Նախորդ նորությունը: ՀՀ ՓԱՍՏԱԲԱՆՆԵՐԻ ՊԱԼԱՏԸ ՇՆՈՐՀԱԿԱԼԱԳՐԵՐ Է ՍՏԱՑԵԼ ՔԱՂԱՔԱՑԻՆԵՐԻՑ


Հաջորդ նորությունը: ՆԱՄԱԿ ԴԱՏԱՊԱՐՏՅԱԼ ԱՐՄԵՆ ԴԱՋԱՐՅԱՆԻՑ

**Առաջարկվող նորություններ**


--	--	--



**22.11.2013** ՓԱՍՏԱԲԱՆՆԵՐԻ ՊԱԼԱՏԻ ԱԿՈՒՄԲՈՒՄ ՔՆՆԱՐԿՎԵԼ Է ՓԱՍՏԱԲԱՆԱԿԱՆ ԳՈՐԾՈՒՆԵՈՒԹՅԱՆ ԻՐԱԿԱՆԱՑՄԱՆ ԱՌԱՆՁՆԱՀԱՏՎՈՒԹՅՈՒՆՆ ԵՐԸ



**26.11.2013** ՔՐԵԱԿԱՆ ԴԱՏԱՎԱՐՈՒԹՅԱՆ ՄԱՍԻՆ ՕՐԵՆՍԳՐՔԻ ՆԱԽԱԳԾՈՒՄ ԱՌԿԱ ԵՆ ԱՅՆՊԻՍԻ ՀԱՏԿԱՆԻՇՆԵՐ, ՈՐՈՆՔ ՎՏԱՆԳԵԼՈՒ ԵՆ ՄԵՂԱԴՐՅԱԼԻ ՀԻՄՆԱՐԱՐ ԻՐԱՎՈՒՆՔՆԵՐԻ Ա ԱԶԱՏՈՒԹՅՈՒՆՆԵՐԻ ԻՐԱԿԱՆԱՑՈՒՄԸ



**27.11.2013** ՆՈՐ ՆՇԱՆԱԿՈՒՄ ՓԱՍՏԱԲԱՆՆԵՐԻ ՊԱԼԱՏՈՒՄ



**20.12.2013** ՀԱՅ ՓԱՍՏԱԲԱՆՆԵՐԻ ԳԻՏԱԳՈՐԾՆԱԿԱՆ ԱՅՑԵԼՈՒԹՅՈՒՆԸ ՖՐԱՆՍԻԱ

Վերադառնալ \$(window).load(function(){ if(typeof \$(".fb\_comments\_count").html() != "undefined" && parseInt(\$(".fb\_comments\_count").html()) != 0){ updateCommentsCount(window.location.href); } })